

**ხელშეკრულება**  
**სახელმწიფო შესყიდვის შესახებ**  
**№ CMR-240203**

**ქ.თბილისი**

**1. ხელშეკრულების დამდები მხარეები**

ერთის მხრივ, შპს „ეკოსერვის ჯგუფი“ (შემდგომში „შემსყიდველი“), წარმოდგენილი მისი დირექტორის ვახტანგ ნოზაძის სახით და მეორეს მხრივ, შპს „კომპაუდი“ (შემდგომში „მიწოდებელი“), წარმოდგენილი მისი დირექტორის მინდობილი პირის ნუგზარ ხიჯაკაძის სახით (სანოტარო მოქმედების რეგისტრაციის ნომერი N170159575, რეგისტრაციის თარიღი 16.02.2017 წელი), „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტისა და სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანებით დამტკიცებული „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის“ მე-2 მუხლის „ა“ პუნქტის საფუძველზე, გამარტივებული შესყიდვის საშუალებით დებენ წინამდებარე სახელმწიფო შესყიდვის შესახებ ხელშეკრულებას შემდეგზე.

**2. ხელშეკრულების (შესყიდვის) ობიექტი, შესყიდვის საშუალება,  
ხელშეკრულების ღირებულება და ხელშეკრულების მოქმედების ვადა**

- 2.1 ხელშეკრულების (შესყიდვის) ობიექტია - შეფასების აუდიტორული მომსახურების სახელმწიფო შესყიდვა (კლასიფიკატორის კოდი: 79419000 - შეფასებასთან დაკავშირებული საკონსულტაციო მომსახურებები)
- 2.2 ხელშეკრულებით გათვალისწინებული მომსახურების ზუსტი აღწერა, დასახელება, ერთეულის ფასები და სავარაუდო რაოდენობა მოცემულია ფასების ცხრილში (დანართი N1), რომელიც წარმოადგენს ხელშეკრულების განუყოფელ ნაწილს.
- 2.3 ხელშეკრულების საერთო ღირებულება შეადგენს 4587.00 (ოთხი ათას ხუთას ოთხმოცდაშვიდი) ლარს, ყველა ხარჯისა და გადასახადის ჩათვლით.
- 2.4 ხელშეკრულება ძალაშია მხარეთა მიერ ხელმოწერიდან და მოქმედებს 2024 წლის 31 იანვრის ჩათვლით.

**3. მომსახურების გაწევის პირობები, ვადა და ადგილი**

- 3.1 მომსახურების გაწევის ვადა: ხელშეკრულების გაფორმებიდან 2023 წლის 31 დეკემბრის ჩათვლით, ეტაპობრივად, შემსყიდველის მოთხოვნის შესაბამისად. ამასთან, ყოველ კონკრეტულ შემთხვევაში მომსახურების გაწევა უნდა განხორციელდეს შემსყიდველის მოთხოვნისა და 20 (ოცი) სამუშაო დღის ვადაში.  
შენიშვნა: (მოთხოვნა შესაძლებელია განხორციელდეს როგორც ელექტრონული ფოსტის ასევე ოფიციალური წერილის საშუალებით).
- 3.2 აუდიტორული დასკვნა მიმწოდებელმა შემსყიდველს უნდა წარუდგინოს შემდეგ მისამართზე: ქალაქი თბილისი, მედეა (მზია) ჯუღელის ქუჩა N8, მესამე სართული შპს „ეკოსერვის ჯგუფის“ ცენტრალური ოფისი.
- 3.3 აუდიტორული დასკვნა წარმოდგენილი უნდა იქნეს როგორც უფლებამოსილი პირის მიერ ხელმოწერილი და ბეჭდით დადასტურებული (ბეჭდის არსებობის შემთხვევაში), ასევე ელექტრონული ვერსიის სახით.
- 3.4 შემსყიდველი იღებს ვალდებულებას მიმწოდებელს მიაწოდოს მომსახურების გაწევისათვის აუცილებელ მის ხელთარსებული ინფორმაცია.
- 3.5 მიმწოდებელი ვალდებულია მომსახურება გაწიოს ამ სფეროში საერთაშორისოდ აღიარებული ნორმებისა და სტანდარტების შესაბამისად.
- 3.6 გასაწევი მომსახურების სპეციფიკისა და შემსყიდველის საჭიროებიდან გამომდინარე შემსყიდველი არ იღებს ვალდებულებას ხელშეკრულებით გათვალისწინებული მომსახურების მოცულობების სრულად დაკვეთის შესახებ.
- 3.7 შემსყიდველი უფლებამოსილია ხელშეკრულების გაფორმების შემდეგ, მისი საჭიროების გათვალისწინებით, ნებისმიერ ეტაპზე ცალმხრივად მოახდინოს მომსახურების მოცულობების კორექტირება ერთეულის ფასისა და ჯამური ღირებულების გაუზრდელად (აღნიშნულზე შემსყიდველის მოთხოვნის საფუძველზე გაფორმდება შეთანხმება ხელშეკრულებაში ცვლილების შეტანის შესახებ, ამასთან მიმწოდებელს არ ექნება უფლება უარი განაცხადოს ხელშეკრულებაში ცვლილების შეტანაზე).

**4. შესყიდვის ობიექტის ხარისხი**

მიმწოდებელი იღებს ვალდებულებას მასზედ, რომ მომსახურება გაწეული იქნება საქართველოში მოქმედი კანონმდებლობის შესაბამისად და გაწეული მომსახურების ხარისხი უკმაყოფილებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

**5. ხელშეკრულების შესრულების კონტროლი (ინსპექტირება)**

- 5.1 ხელშეკრულების კონტროლს (ინსპექტირებას) შემსყიდველის მხრიდან განახორციელებს შპს „ეკოსერვის ჯგუფი“-ს მთავარი ბუღალტერი შალვა შოშიაშვილი;
- 5.2 ამ მუხლის პირველი პუნქტით გათვალისწინებული პირის ფუნქციას გაწეული მომსახურების ხარისხის, მიწოდების ვადების და სხვა კრიტერიუმების შესაბამისობის დადგენა ხელშეკრულებით გათვალისწინებულ პირობებთან.
- 5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, და კონტროლის (ინსპექტირების) შედეგად გამოვლენილი ყველა ხარვეზის აღმოფხვრა.

**6. შესყიდვის ობიექტის მიღება-ჩაბარების წესი**

6.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

6.2 შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირს წარმოადგენს ხელშეკრულების 5.1 პუნქტით განსაზღვრული პირი.

### **7. ანგარიშსწორება და ანგარიშსწორების ვალუტა**

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება განხორციელდება შპს „ეკოსერვის ჯგუფი“-ს 2023 წლის სახსრებით, ფაქტიურად გაწეული მომსახურების შესაბამისად, შემსყიდველსა და მიმწოდებელს შორის მიღება-ჩაბარების აქტის გაფორმების საფუძველზე, მიმწოდებლის მიერ საგადასახადო ანგარიშ-ფაქტურის (ანგარიშსწორების მომენტში დღგ-ს გადახდელის შემთხვევაში) შემსყიდველისთვის წარმოდგენიდან 10 (ათი) სამუშაო დღის ვადაში.

7.3 წინასწარი ანგარიშსწორება (ავანსი) არ გამოიყენება.

### **8. ხელშეკრულების პირობების შეუსრულებლობა**

*(საჯარიმო სანქციები, ფორმა, ოდენობა და გადახდის ვადები)*

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულების შესრულების ვადის გადაცილების შემთხვევაში, "მიმწოდებელს" დაეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობით.

8.3 ხელშეკრულებით ნაკისრი ვალდებულებების შეუსრულებლობის შემთხვევაში, "მიმწოდებელი" ჯარიმდება ხელშეკრულების ჯამური ღირებულების 5 (ხუთი) პროცენტის ოდენობით.

8.4 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, "შემსყიდველი" იტოვებს უფლებას შეწყვიტოს ხელშეკრულება და მოსთხოვოს "მიმწოდებელს" ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.5 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

8.6 ამ მუხლით გათვალისწინებული საჯარიმო და პირგასამტეხლოს თანხები დაუკავდება მიმწოდებელს საქონლის ღირებულებიდან, იმ შემთხვევაში თუ საქონლის მიწოდება არ არის განხორციელებული მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესაბამისი თანხა შესმყიდველის სასარგებლოდ, ხოლო იმ შემთხვევაში თუ საქონლის ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესმყიდველის სასარგებლოდ საჯარიმო თანხებსა და საქონლის ღირებულებას შორის არსებული სხვაობა შესმყიდველის სასარგებლოდ.

### **9. ხელშეკრულების შეწყვეტა**

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას, ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.4 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

9.5 ამ მუხლის 9.4 პუნქტში მითითებულ შემთხვევებში, შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

### **10. ფორს-მაჟორი**

10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, 3 დღის ვადაში უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, წინააღმდეგ შემთხვევაში გარემოება არ ჩაითვლება ფორს მაჟორულად.

### **11. ხელშეკრულებაში ცვლილებების შეტანა**

11.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, გარდა ამ მუხლის 11.2 პუნქტით განსაზღვრული შემთხვევისა.

11.2 ხელშეკრულების დანართი N1-ით განსაზღვრული რაოდენობები სავარაუდო ხასიათისაა და შემსყიდველი უფლებამოსილია მისი საჭიროებიდან გამომდინარე მიმწოდებელთან დამატებითი შეთანხმების გარეშე მოახდინოს მისი ცვლილება ერთეულის ფასისა და ხელშეკრულების ჯამური ღირებულების ფარგლებში.

11.3. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლის შესაბამისად, სახელმწიფო შესყიდვის შესახებ ხელშეკრულების შეცვლის პირობები განისაზღვრება მოქმედი კანონმდებლობის შესაბამისად.

## 12. ურთიერთობა ხელშეკრულების დამდებ მხარეებს შორის

12.1 ხელშეკრულებიდან გამომდინარე ნებისმიერი შეტყობინება უნდა გაიგზავნოს ოფიციალური წერილის სახით ან ელექტრონული ფოსტის მეშვეობით წინამდებარე ხელშეკრულების რეკვიზიტებში მითითებულ ელექტრონული ფოსტის მისამართზე.

## 13. სხვა პირობები

13.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.3 ხელშეკრულება შედგენილია ელექტრონულად და დამოწმებულია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მოთხოვნათა შესაბამისად.

13.4 ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

13.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

## 14. მხარეთა რეკვიზიტები

### შემსყიდველი:

შპს „ეკოსერვის ჯგუფი“  
მის: ქ. თბილისი, მედეა (მზია) ჯუღელის ქუჩა N1  
ელ-ფოსტა: info@ecosg.gov.ge  
სს „თიბისი ბანკი“  
კოდი: TBCBGE22  
ა/ა № GE12TB7448434020100001  
ს/კ 404553666

### მიმწოდებელი:

შპს „კომპაუდი“  
მის: ქ.თბილისი, ა.წერეთლის 95ა  
ელ-ფოსტა: compaudi@hotmail.com  
სს „საქართველოს ბანკი“  
კოდი: BAGAGE22  
ა/ა № GE62BG0000000192631800  
ს/კ 202385169

---

ვახტანგ ნოზაძე  
დირექტორი

---

ნუგზარ ხიჯაკაძე  
დირექტორის მინდობილი პირი

**დანართი N1**

**ფასების ცხრილი**

<b>N</b>	<b>გასაწვი მომსახურების დასახელება</b>	<b>განზომილების ერთეული</b>	<b>რაოდენობა</b>	<b>ერთეულის ფასი</b>	<b>ჯამური თანხა</b>
1	კაპიტალიდან ამოსაღები ან/და კაპიტალში შესატანი ქონების ღირებულების გაანგარიშების აუდიტი	ცალი	2.00	50.00	100.00
2	კაპიტალის განსაზღვრასთან დაკავშირებული გაანგარიშების აუდიტი	ცალი	1.00	50.00	50.00
3	კომპანიის სარგებლობაში/საკუთრებაში არსებული უძრავი ქონების შეფასების (საბაზრო ღირებულების დადგენის) აუდიტორული მომსახურება (საშემფასებლო მომსახურება)	ცალი	2.00	150.00	300.00
4	კომპანიის სარგებლობაში/საკუთრებაში არსებული მოძრავი ქონების შეფასების (საბაზრო ღირებულების დადგენის) აუდიტორული მომსახურება (საშემფასებლო მომსახურება)	ცალი	2.00	100.00	200.00
5	ძირითადი საშუალებების (გარდა ავტოსატრანსპორტო საშუალებებისა) რეალიზაციის მიზნით, სარეალიზაციო ფასის დადგენის აუდიტორული მომსახურება	ცალი	102.00	20.00	2040.00
6	ჩამოსაწერი ძირითადი საშუალებების ნარჩენი ღირებულებისა და მათი ლიკვიდაციის შედეგად მიღებული სასაქონლო მატერიალური მარაგების ღირებულებების დადგენის აქტების შემოწმება და დადასტურება	ცალი	15.00	50.00	750.00
7	მცენარეების შეფასება	სახეობა	10.00	60.00	600.00
8	მატერიალური მარაგების შეფასება	მეტრ კვადრატი	159.00	2.00	318.00
9	ჯართის წონის და საწყისი სარეალიზაციო ღირებულების დადგენა	ტონა	3.40	15.00	51.00
10	ბალის/პარკის ნარჩენების სარეალიზაციო ღირებულების დადგენა	მეტრ კუბი	300.00	0.40	120.00
11	მულჩის სარეალიზაციო ღირებულების დადგენა	მეტრ კუბი	130.00	0.40	52.00
12	კომპოსტის სარეალიზაციო ღირებულების დადგენა	მეტრ კუბი	15.00	0.40	6.00
<b>სულ:</b>					<b>4587.00</b>

**მომზადდა:**

შპს „ეკოსერვის ჯგუფი“-ს

შესყიდვების მენეჯერი: მალხაზ დავაძე \_\_\_\_\_

**შეთანხმებულია:**

შპს „ეკოსერვის ჯგუფი“-ს

ადმინისტრაციის უფროსი: მალხაზ ლაბაძე \_\_\_\_\_